



UNIVERSITÄTS-
BIBLIOTHEK
PADERBORN

**Institvtionvm// Ad Vniversvm// Ivs Pontificivm, Sive//
Canonicvm, Libri Qvatvor**

Lancellotti, Giovanni Paolo

Basileae, 1566

M. Antonivs Cvcchvs, Ivris Consvltvs Ivris Canonici Stvdiosis S.

[urn:nbn:de:hbz:466:1-61756](https://nbn-resolving.org/urn:nbn:de:hbz:466:1-61756)

DEDICATORIA.

inuocatum mihi patrociniū esse impertiturum, ut
soles omnibus, qui sub tua umbra in hoc præsertim
gymnasio TICINENSI degunt, cum tamē id præ-
cipuè numen præsens esse soleat, quod uotis nuncu-
patis uocatur, tumq̃ maximum tutelę pōdus uel in eo
cōsistat, si tuum nomen Operi inscriptum legatur, ad
cuius sonum audacissimo cuiq̃ tela de manibus casur
ra scio, nihil mihi potius fuit, quàm ut illud scriptis
meis præfigerem: quod tu, ut boni equiq̃ consulas, te
etiam atq̃ etiam rogo. Vale. Ex TICINENSI
Academia ix. Calen. Augusti, Anno Salutis no-
stræ M. D. LXIII.

M. ANTONIVS CVCCHVS,
IVRISCONSULTVS IV-
RIS CANONICI STV-
diosis S.



*Vm tam Iuris Casarei disciplina, quàm cætera ferè omnes
propria quædam habeant principia, ex quibus possint
tyrones ea præcepta haurire, quæ ad interiorē doctrinam
ducant, & quodam modo viam sternant, sola verò iuris
Pontificij scientia hoc commodo careret, non in vtilem rem, nec vobis stu-
diosi ingratam me facturum existimaui, si hoc, quod desiderari videbatur,
ego pro viribus præstitissem: suscepi igitur hoc oneris non grauatè, ut in hoc
enchiridion, succum ex toto Pontificij iuris corpore delectum, tan-
quam in vasculum conferrem. Hoc enim libello collecta inuenietis,
quæ ex pluribus voluminibus Decretorum, & Decretalium Epi-
stolarum, Sexti, Clementinarum & Extrauagantium Constitu-
tionum petenda olim iuuenibus iuris præcepta erant, eaque sic in-
promptu sese offerent, ut singula ferè orationes præceptionibus
& documentis scateant, ut iam non (ut olim) præcepti unius*

EPISTOLA AD STUDIOŒOS,

gratia integra pagina cum longa facti narratione legēda sit: eas verò potissimum materias attigimus, quæ huiusce iuris propriæ sūt, illis omisis, quæ iuri Casareo communes sūt: spero autem breuitatem, & styli ordinis, & diuersitatem lectorem facilius allicere, & minore cum fastidio morari posse, quàm proluxa GOFFREDI & Hostiensis Cōpendia, quas Summas vocant. Nanque, vt illa vtilissima quidem sūt & fecundissima, ad hoc tamen, quod nobis in præsentia est propositum, meo quidem iudicio, non admodum conferunt. Quare si ex animi mei sententiæ res euenerit, vt studiosos hoc nostro qualicumque libello adiunari videam, latabor & magnam ex hoc voluptatem percipiam, & magnum nobis, vberemq; fructum ex laboribus nostris sic redditum existimabo, ac quantum studio & labore contendere poterō, curabo, vt possim alia quoque in posterum ad publicam vtilitatem afferre. Sin minus voto nostro euentus responderit, at propositum nostrum vtilitati publicæ deseruendi, vt puto, vituperandum non erit, & sic fortè alijs materiam præbebimus, vt felicioribus laboribus id assequantur, quod nos sequuti sumus. Ne quis tamen nos carpat, quòd eundem titulum, quem IVSTINIANVS Caesar, operi nostro præscripserimus, sciat INSTITVTIONVM vocabulum non legum auctoritatem sonare, etsi illæ IVSTINIANI ab auctore hanc vim nancisci potuerint: quod libri Institutionū Oratoris, Institutionum diuinarū, Institutionum Grammatices, aliæq; huiusmodi perspicuè declarant. Quare nihil in hoc titulo esse puto, quod nobis in arrogatiæ crimē adscribi possit. Accipite igitur iuuenes studiosi animis libentibus hoc, quicquid est libelli, animumq; nostrum agnoscite, & boni consulate. Valet.

INDEX